



NEGERI BRUNEI

E 6 TAHUN 1979

UNDANG2 LESEN2 RAMPAIAN, 1978

Beta bersetuju



.....
HASSANAL BOLKIAH
Sultan

[7.2.1979]

Satu Undang2 untok mengadakan syarat bagi melesen, mengator dan mengawal beberapa tempat dan kegiatan perdagangan yang tertentu dan bagi maksud2 yang berkaitan dengan-nya.

ADA-LAH DI-PERBUAT oleh Duli Yang Maha Mulia Paduka Seri Baginda Sultan dan Yang Di-Pertuan dengan nasehat dan persetujuan Majlis Mashuarat Negeri saperti yang berikut:—

1. Undang2 ini boleh di-gelar sebagai Undang2 Lesen2 Rampaian, 1978 dan akan berjalan kuat-kuasa-nya pada satu tarikh yang Duli Yang Maha Mulia Paduka Seri Baginda Sultan dan Yang Di-Pertuan boleh dengan kenyataan dalam *Warta Kerajaan* menetapkan.

Gelaran
pendek and
permulaan.

Peratoran2.

2. (1) Ada-lah sah bagi Duli Yang Maha Mulia Paduka Seri Baginda Sultan dan Yang Di-Pertuan dalam Majlis Mashuarat dengan peratoran2 untok membuat syarat bagi —

- (a) melesen, mengator dan mengawal mana2 tempat, perdagangan atau perniagaan atau pekerjaan yang di-nyatakan dalam Jadual;
- (b) menentukan dan memperjeniskan bagi maksud perenggan (a) mana2 tempat, perdagangan, perniagaan atau pekerjaan terhadap mana sesuatu lesen boleh di-keluarkan di-bawah Undang2 ini;
- (c) bentok dan syarat2 apa jua lesen yang di-beri di-bawah Undang2 ini, pihak berkuasa yang boleh mengeluarkan lesen tersebut serta bayaran2-nya, dan tempoh bagi yang mana lesen sademikian akan di-keluarkan;
- (d) langkah2 penchehahan yang akan diambil terhadap kebakaran di-dalam mana2 tempat yang di-leseni di-bawah Undang2 ini;
- (e) menjaga keamanan dan ketenteraman di-dalam mana2 tempat yang di-leseni di-bawah Undang2 ini;
- (f) chara2 menentukan keadaan2 kebersihan dan keperluan menjaga keadaan2 sedemikian di-dalam mana2 tempat yang di-leseni di-bawah Undang2 ini;
- (g) memasoki dan memeriksa mana2 tempat yang di-leseni di-bawah Undang2 ini;
- (h) mengechualikan mana2 tempat, perdagangan, perniagaan atau pekerjaan yang terletak atau di-jalankan di-dalam kawasan2 yang di-tentukan; atau di-buka atau di-jalankan oleh mana2 orang atau golongan orang2 dari kuatkuasa Undang2 ini, atau sa-barang

bahagian daripada-nya atau dari sebarang peratoran² yang di-perbuat di-bawah-nya, dan menentukan serta mengubah sempadan² kawasan² sedemikian; dan

- (i) pada 'am-nya menjalankan kuatkuasa syarat² Undang² ini.

(2) Duli Yang Maha Mulia Paduka Seri Baginda Sultan dan Yang Di-Pertuan dalam Majlis Mashuarat boleh dengan peratoran meminda Jadual kepada Undang² ini.

Larangan untuk berdagang dsb. tanpa sesuatu lesen.

3. Tiada sesiapa pun boleh membuka atau terus membuka mana² tempat, atau menjalankan apa jua perdagangan, perniagaan atau pekerjaan yang di-tentukan dalam Jadual kechuali di-bawah dan menurut sa-suatu lesen yang di-keluarkan di-bawah Undang² ini.

Pemberian lesen² pembatalan dan rayuan².

4. (1) Terta'alok kepada syarat² cheraian (3) dari bab ini pemberian apa jua lesen yang di-keluarkan, atau yang akan di-keluarkan di-bawah Undang² ini ada-lah atas pertimbangan mutlak pehak berkuasa melesen.

(2) Pehak berkuasa melesen boleh membatalkan sa-suatu lesen yang telah di-berikan kepada sesiapa jua jika terbukti hingga memuaskan adanya sa-suatu kesalahan terhadap Undang² ini atau kelakuan salah yang lain oleh orang itu.

(3) Sa-suatu rayuan hendak-lah di-buat kepada Mentri Besar terhadap keputusan pehak berkuasa melesen di-bawah bab ini.

Waran² Menggeledah.

5. Jika di-boktikan nyata kepada sa-saorang majistret dengan ma'alumat yang di-berikan sechara bersumpah bahawa ada sebab untuk memperchayai yang sa-suatu kesalahan terhadap Undang² ini sedang di-lakukan di-mana² tempat, maka majistret itu boleh mengeluarkan waran yang membenarkan mana² pegawai pulis untuk memasoki dan menggeledah tempat tersebut dan untuk menangkap orang² dan merampas doku-

men2 serta barang2 yang mungkin di-dapati di-dalam tempat tersebut.

Kesalahan2.

6. Tiap2 orang yang melanggar mana2 syarat dari Undang2 ini atau mana2 peratoran yang di-perbuat di-bawah-nya atau yang gagal mematohi mana2 syarat atau sekatan yang telah di-kenakan oleh atau di-bawah Undang2 ini ada-lah di-anggap melakukan satu kesalahan terhadap Undang2 ini.

Hukuman.

7. (1) Tiap2 orang yang melakukan atau chuba melakukan apa jua kesalahan terhadap Undang2 ini akan jika di-dapati thabit kesalahan-nya di-kenakan hukuman denda yang tidak melebihi lima ribu ringgit.

(2) Dengan tidak menghiraukan syarat2 dari mana2 Undang2 bertulis yang bertentangan Mahkamah Majistret Kelas Satu mempunyai bidang-kuasa untok membicharakan mana2 kesalahan di-bawah Undang2 ini dan menjatohkan hukuman sapenoh-nya bagi kesalahan itu.

**Pekerja2
dan ejen2.**

8. Jika sa-saorang ejen atau pekerja, semasa menjalankan pekerjaan-nya, melakukan atau tidak melakukan, sesuatu perbuatan perlakuan yang mana atau tidak melakukan-nya oleh ketua atau majikan-nya akan menjadi satu kesalahan terhadap Undang2 ini atau mana2 peratoran yang di-buat di-bawah-nya maka ia ada-lah bersalah, dan, jika di-boktikan bahawa perbuatan atau tidak melakukan perbuatan itu telah di-lakukan dengan kebenaran atau pengetahuan, atau di-sebabkan oleh kechuaian pihak ketua atau majikan-nya, maka ketua atau majikan tersebut ada-lah di-anggap bersalah dan boleh di-ambil tindakan terhadap-nya dan di-hukum dengan sa-wajar-nya.

Pengechualian.

9. Syarat2 dari Undang2 ini ada-lah sebagai tambahan kepada dan bukan melemahkan syarat2 dari mana2 undang2 bertulis yang lain berhubong dengan atau berkenaan dengan apa jua tempat, perdagangan, perniagaan atau pekerjaan berthabit dengan mana Undang2 ini di-kenakan.

Sharat2
peralehan.

10. Dengan tidak menghiraukan sebarang apa pun jua yang terkandung di-dalam Undang2 ini, sa-saorang yang sebaik2 sahaja sebelum tarikh permulaan Undang2 ini atau mana2 peratoran di-bawah cheraian (2) dari bab 3 terus membuka apa jua tempat atau telah menjalankan apa jua perdagangan, perniagaan atau pekerjaan yang ditentukan dalam Jadual, ada-lah berhak melakukan yang sama tanpa sesuatu lesen:—

- (a) bagi selama tempoh dua belas bulan mulai dari tarikh permulaan Undang2 ini, atau tarikh permulaan mana2 peratoran di-bawah cheraian (2) dari bab 3; dan
- (b) jika sebelum tamat-nya tempoh itu ia memohon sa-suatu lesen berthabit dengan yang sama, sa-hingga lesen tersebut di-beri atau akhir-nya di-tolak atau permohonan itu di-tarek balek.

JADUAL

- (a) Kedai2 kopi, kedai2 makan, rumah2 penginapan, rumah2 tumpangan atau tempat2 lain untuk peristirehatan dan perjamuan orang ramai.
- (b) Penjaja2.
- (c) Pedagang kereta.
- (d) Seteshen Minyak termasuk tempat2 menyimpan minyak dan benda2 yang mudah terbakar.
- (e) Kedai runchit.
- (f) Setor kayu dan membuat alat2 perabot.
- (g) Bengkel ~~kereta~~. *Corrig. E 15/82*

Di-luluskan pada 14hb Disember, 1978.

JUDIN ASAR

*Jurutulis, Majlis Mashuarat Negeri,
Brunei.*